

天一閣藏明代方志選刊

尉氏縣志



2053/96

一九六三年十月上海古籍
書店據寧波天一閣藏明嘉
靖刻本景印原書版框高一
九·五公分寬一三·四公分



尉氏縣志序

夫志之所繫也亦重矣所以辨
位錄貢賦聚物昭跡彰往貽來垂
範而資治焉者是以聖王務焉顧
弗重矣乎然志者史之遺也古者
列國各有史而職方之列小史之



掌所以專其事以立極也第淑靈
代降而史才恒難務博者泛而弗
切尚約者略而罔備中無物者則
去取弗嚴而法例不立三弊起而
志之作也難矣尉氏舊有志蕪訛
踈謬略具梗目未足爲全書也嘉

靖丁未邑侯曾君嘉誥以政成化
孚修舉百墜覽舊志而深憫其闕
乃喟然嘆曰邑無志猶之國無史
也蔑從稽矣是非尹茲土者之責
歟以廣文汪君心力學嗜古人也
可任其事遂幣徵就局復請鄉進

士傳宗魯馬載道庠生孫宗瑞等
相與搜羅讎校於是靡微弗鈞靡
隱弗彰綴其闕而訂其訛續其落
而清其紊凡八越月而書成是故
山川異勢沿革異宜區域有限而
俗尚相因則風土有志而盛衰具

矣勤民設牧撫時明法循靈異趨
而美疵相形則官政有志而鑒戒
昭矣哲人雖徂典刑未泯一技一
節足以表異而正俗也則人物有
志而儀範立矣若夫博以雜志則
往跡弗失而疑貳者決焉詳以詞

翰則文獻足徵而制作備焉弗泛
弗略去取嚴而法例弗忒誠足以
觀民風而裨

國史駸駸乎班馬之遺良也書將成
適曾君銳意養高致其官而去歲
戊申李君德光以臬幕來攝縣事

約已豐物民安其居於文事尤留心焉觀汪君之作而善之曰是裨吾之政弗少也遂毅然鋟諸梓錫邑人也病無志也久矣於是嘉二君之志而知作者之心因書此於簡端

嘉靖二十七年歲次戊申十二月

立春前一日

賜同進士出身山東濟南府淄川縣
縣丞前吏科右給事中月川馬錫
序

尉氏縣志序

婺源汪心著

尉氏在九州爲豫地周武王封曹叔于宋
時以陳留入宋矣至宣王封桓公于鄭乃
始分隸之子產相鄭尉氏名列左氏傳中
固春秋所爲經也孔子過鄭與子產如兄
弟又爲聖人所過化之地也以至向城之

師蒐城之勞蔣城之胙祭其山川人物則
已見於中古矣秦孝公會諸侯於逢澤戰
國策也范曄待王稽於三亭之南史記也
韓懿侯伐魏之對乎雞鳴城水經注也故
鍾城宛陵城之界乎尉氏縣述征記也是
皆班班可考所爲誦言者一同之區七里

之郭禮樂之陳竹帛之寄未有能循古今
該巨細勒成一家之言使與遷書固志嶠
典勅錄相頡頏以入禹貢職方氏之彙率
以闢三墳五典八索九丘之藩籬而博雅
之士讎校之司討論訂證其爲文獻無徵
之嘆也宜亦屢矣永樂間遇

朝命嘗一爲之正統間有寫本成化間有刻
本三書存亡或異爰觀大明一統志及河
南總志則知其書之詳略從違有以爲之
濫觴也已屬者胡君九功趙君馥各有私
錄未之見王君選王君道寧王君賓賢王
君錫爵馬君錫輦往往爲有司者言之嘉

靖丁未秋仲縣大夫曾侯開局聚書傳君
宗魯馬君載道孫生宗瑞戎生練胡生畧
暨心應聘且各出其所藏以從事心齒序
猥當執筆甫五閱月半已入梓越明年戊
申厄罹炊臼罷局而曾侯亦遂致仕以去
會憲幕李侯來署篆重曠

國典冬初乃復相與卒業而書出矣書凡五
卷夫所爲志風土非事堪輿也務悉土著
以相安也其志官政非事緣飾也務律官
箴以相信也其志人物非事臧否也務昭
人品以相觀也若夫網羅賸隱之錯雜點
綴文章之紛郁亦莫不各有載削之指歸

終今以來稽往拾遺條刺汗簡庶幾頭緒
之爲可尋耳顧抗顏立論非苟以是求知
也一微一闡一進一退蓋已無所逃罪矣
然曾侯造端託始之有其功李侯興廢舉
墜之成其能傳馬孫戎胡諸賢紬繹其言
掎掖其事之不遺餘力有足多者又安敢